

# Whakapuakina mai ōu whakaaro...



NGĀ MARAU HOU KI TE MARAUTANGA O AOTEAROA

## Whakapuakina ō whakaaro mō ngā Marau NCEA e marohitia ana

Hei wāhanga o te Hōtaka Panoni NCEA, kei te marohitia e Te Tāhuhu o te Mātauranga ētahi panoni ki *Te Marautanga o Aotearoa*. Kāore anō kia ū tēnei marau e marohitia ana, ā, kei te kimi mātou i ō kōrero whakahoki.

### He aha ngā marau hou e marohitia ana mō *Te Marautanga o Aotearoa*?

#### I te Taumata 1:

##### Te Reo Pākehā (ki Te Reo Pākehā)

I Te Reo Pākehā, ka ako ngā ākonga i Te Reo Pākehā hei reo tuarua i runga i tētahi tirohanga ao Māori motuhake. Mā reira rātou e whiwhi ai i ngā pūkenga e hiahiatia ana kia māia te rapu ara me te whakawhiti kōrero ki te ao Pākehā.

#### I te Taumata 2:

##### Mau Rākau (ki Ngā Toi)

I te Mau Rākau, ka ako ngā ākonga e pā ana ki te hītori, te toi me te whakamahinga o ngā rākau a te Māori, a ētahi atu iwi taketake hoki. Mā reira rātou e whiwhi ai i ngā pūkenga o te whakahaere whaiaro me te ārahitanga, me te whakapakari māramatanga mō ngā taikumekume ā-tangata, ā-wairua o ngā wero.

##### Toi Whakairo (ki Ngā Toi)

I te Toi Whakairo, ka ako ngā ākonga e pā ana ki te hītori, te toi me te whakamahinga o te whakairo a te Māori, a ētahi atu iwi taketake hoki. Mā reira rātou e kaingākaunui ai ki ngā tikanga me te whakapapa haumako o te mahi toi.

##### Tauhokohoko (ki Ngā Tikanga ā-Iwi)

I te Tauhokohoko, ka ako ngā ākonga i te whānui o te mātau ahumoni, tae atu ki te whakahāngai i tēnei mātauranga ki ngā horopaki o ia rā, me ngā momo kurutete rerekē ka whakamahia e ngā iwi ki te whakatū ōhanga e tūtū ana.

##### Te Hītori o Aotearoa (ki Ngā Tikanga ā-Iwi)

I Te Hītori o Aotearoa, ka titiro ngā ākonga ki te mātauranga Māori nō roto tonu i ngā hītori ā-iwi Māori o Aotearoa, i runga i ngā kōrero o mua o ngā whānau, ngā hapū, ngā iwi hoki.

##### Hangarau Matihiko (ki Hangarau)

I te Hangarau Matihiko, ka ako ngā ākonga kia māia te tiki pūkenga, mātauranga o te ao Māori hei whakamahinga ki ngā hangarau me ngā hoahoa matihiko o tēnei wā.

##### Hākinakina (ki Hauora)

I te Hākinakina, ka ako ngā ākonga i te hītori me te whakamahinga o te hākinakina me te whakataetae Māori. Mā reira rātou e whiwhi ai i ngā pūkenga o te ārahitanga, te mahi tahi, te kiritau anō hoki ki tētahi horopaki ao Māori ariari.



# He aha ngā marau e marohitia ana mō Te Marautanga o Aotearoa?

TAUMATA 1

NGĀ MARAU O NĀIANEI

NGĀ MARAU HOU

TAUMATA 2 me 3

NGĀ MARAU O NĀIANEI

NGĀ MARAU HOU

	TE REO RANGATIRA	TE REO PĀKEHĀ	PŪTAIAO	NGĀ TIKANGA Ā-IWI	HANGARAU	HAUORA	NGĀ TOI	PĀNGARAU
TAUMATA 1	Te Reo Rangatira	Te Reo Pākehā	Pūtaiao	Ngā Tikanga ā-Iwi	Hangarau	Hauora	Toi Puoro	Pāngarau
							Toi Ataata	
							Ngā Mahi a te Rēhia	
TAUMATA 2 ME 3	Te Reo Rangatira	Te Reo Pākehā	Pūtaiao	Tikanga ā-Iwi	Hangarau	Hauora	Toi Puoro	Pāngarau
				Tauhokohoko	Hangarau Matihiko	Hākinakina	Toi Ataata	
				Te Hītori o Aotearoa			Ngā Mahi a te Rēhia	
							Toi Whakairo	
							Mau Rākau	



## Ka pēhea taku whakahoki kōrero atu?

He kōrero, he kōrero whakahoki rānei āu? Kei te tino hiahia mātou ki te rongu kōrero mai i a koe.

Tukua mai ō whakaaro <https://consultation.education.govt.nz/ncea/whakapuakina-whakaaro-m-ng-marau-ncea-marohi>

i mua i te paunga o te 13 o Ākuhata 2021.

Mō ētahi atu mōhiohio, toro atu ki <https://ncea.education.govt.nz/have-your-say> īmēra mai rānei ki a mātou ki [TeMarautanga.oAotearoa@education.govt.nz](mailto:TeMarautanga.oAotearoa@education.govt.nz)